捣藻堂四庫全書

音薈

要

史部

欽定四庫全書養要卷五千三十五史部 惠年四歲處羣從之中敏識過人當夜宴親賓各舉坐 楊綰字公權華州華陰人也祖温玉則天朝為户部侍 郎國子祭酒父侶開元中醴泉令皆以儒行稱館生聰 Ż <u>ج</u> 9 舊唐書卷一百十九 列傅第六十九 後晉司空同中書門下平章事劉 and do date of 崔祐甫子植植再從兄俊 舊唐書 常家 眗 撰

士調補太子正字天實十三年女宗御勒政樓武博通 名彰每屬文恥於自白非知已不可得而見早孤家貧 獨處一室左右經書凝塵滿席落如也含光晦用不欲 墳典洞曉玄經辭藻宏麗軍謀出衆等舉人命有司供 不該覽尤工文辭藻思清縣而宗尚女理沉靜寡欲常 柄 曲聚成異之及長好學不倦博通經史九流七略無 母以孝聞甘肯或闕憂見於色親友祖令干禄舉 以四聲呼之諸廣未言館應聲指鐵燈樹曰燈蓋

詩賦自此始也時登科者三人館為之首超授右拾遺 遷中書舎人無修國史故事舎人年深者謂之閣老公 起居舍人知制語歷司熟員外郎職方郎中掌語如故 樣求食以赴行在時朝廷方急賢及館至衆心咸悅拜 天寶末安禄山反肅宗即位於靈武綰自賊中冒難被 解雜料歸閣老者五之四館以為品秩同列給受宜均 食既暮而罷取辭藻宏麗外別試詩賦各一首制舉

悉平分之甚為時論歸美再選禮部侍郎上疏條奏貢

וישו לו שיום [[

實居常有德動不達仁體忠信之資履謙恭之操藏器 於何馬仰浮薄竟不周於任用趙綰虚誕終取嬪於鄉 舉之葵曰國之選士必籍賢良蓋取孝友統備言行敦 備載前史古人比文章於鄭衛蓋有由也近煬帝始置 化人鎮俗者也自私葉澆許兹道浸微爭尚文解互相 進士之科當時猶試策而已至高祖朝劉思立為考功 間自時厥後其道彌威不思實行皆狗空名敗俗傷教 則未當自伐虚心而所應必誠夫如是故能率已從政 卷一百十九

<u>奔競為務於能者曾無愧色勇進者但欲凌人以毀講</u> 壁况復徵以孔門之道責其君子之儒者哉祖習既深 遞相黨與用致虚聲六經則未當開卷三史則皆同挂 已喧騰於當代古之賢良方正宣有如此者乎朝之公 員外即又奏進士加雜文明經填帖從此積與浸轉沒 為常談以向背為已任投刺干謁驅馳於要津露才揚 俗幼能就學皆誦當代之詩長而博文不越諸家之集

卿以此待士家之長老以此垂訓欲其返淳樸懷禮讓!

1. d. in

守忠信識廉偶何可得也譬之於水其流已濁若不澄 席待賢今之取人令投牒自舉非經國之體也望請依 平之政又華矣凡國之大柄莫先擇士自古哲后皆例 本何當復清方今聖德御天再寧豪宇四海之内期題 以禮待之試其所通之學其通者送名於省自縣至省 加以經業才堪策武者以孝廉為名薦之於州刺史當 古制縣令祭孝廉審知其鄉間有孝友信義廉恥之行 向化皆延頸舉踵聖朝之理也不以此時而理之則太 四月白雪 卷一百十九

差諸司有儒學者對問每經問義十條問畢對策三道 古義皆誦帖括與圖僥倖并近有道舉亦非理國之體 通二為中第與出身下第罷歸其明經比試帖經殊非 并對策全通為上第望付吏部便與官其經義通八策 其策皆問古今理體及當時要務取堪行用者其經義 毛詩周易任通一經務取深義與古通諸家之義試日 並停其所習經取左傳公羊穀梁禮記周禮儀禮尚書 **n**

不得令舉人輕自陳牒比來有到狀保辯識牒等一切

望請與明經進士並停其國子監舉人亦請準此如有 行業不若所由妄相推薦請量加貶點所其數年之 尚書左丞至議曰謹按夏之政尚忠殷之政尚敬周之 左丞賈至京兆尹兼御史大夫嚴武所奏議狀與館 中丞給舍同議奏開給事中李康給事中李栖筠尚書 皆知康恥浮競自止敦雕自勘教人之本實在兹馬 定匹庫全書 若施行即别立條例詔左方丞諸司侍郎御史大夫 變既歸實學當識大猷居家者必修徳業從 卷一百十九

釒

也由蘇以觀行則及蘇也宣父稱顏子不遷怒不貳過 人文人文與則忠敬存馬是故前代以文取士本文行 子間者禮部取人有乖斯義易曰觀乎人文以化成 之存亡今試學者以帖字為精通不窮肯義豈能知 下關雖之義曰先王以是經夫婦成孝敬厚人倫美 之好學至乎修春秋則游夏之徒不能措一解不亦 化移風俗蓋王政之所由廢與也故延陵聽詩知諸

猪唐書

政尚文然則文與忠敬皆統人之行也且夫述行美極

其君子弑其父非一朝一夕之故其所由來者漸矣漸 其流波為不知所止先王之道莫能行也夫先王之道 風贊揚其風擊卿大夫也柳大夫何嘗不出於士乎 一怒貳過之道子考文者以聲病為是非惟擇浮艷宣 舉四者皆取士之失也夫一國之事繁一人之本謂 則小人之道長小人之道長則亂臣賊子生馬臣我 知移風易俗化天下之事乎是以上失其源而下襲 何謂忠信之凌頹恥尚之失所末學之馳騁儒道之

页四届白 1

禮讓之道弘仁義之道者則忠臣孝子比屋可封逆節 之道喪而殷始與馬殷有天下六百祀湯之法棄而 使禄山一呼而四海震蕩思明再亂而十年不復向使 舟之魚不亦難乎所以食垂餌者皆小魚就科目者 不得而萌也人心不得而摇也且夏有天下四百載禹 小藝四人之業士最關於風化近代趙仕靡然向風 今取士武之小道而不以遠者大者使干禄之徒趨 術是誘導之差也夫以妈奶之餌雜垂滄海而望在

AT ST TOTAL OF THE CO.

京始根經術之學東都終持名節之行至有近戚竊位 始與馬周有天下八百年文武之政廢而秦始升馬觀 豈非與學行道扇化於御里哉厥後文章道弊尚於浮 秦坑儒士二代而亡漢與雜三代之政弘四科之舉西 强臣擅權弱主孤立母后專政而社稷不順終彼四百 侈取士衔異茍濟一時自魏至 隋僅四百載三光分景 二代之選士任賢皆考實行故能風化淳一運祚長遠 九州阻域竊號僭位徳義不修是以子孫速顛享國咸

望繫之數百年之外而身皆東西南北之人馬今欲依 蹤亂代取人之街此公卿大夫之辱也楊綰所奏實為 促國家革魏晉梁隋之弊承夏殷周漢之業四隩既宇 古制鄉舉里選猶恐取士之未盡也請兼廣學校以引 問并未設士居鄉土百無一二百緣官族所在耕築地 北分裂人多僑處聖朝一平區宇尚復因循版圖則張 正論然自典午覆敗中原版為或秋亂華衣冠遷徙南 九州攸同覆壽亭育合德天地安有捨皇王舉士之道

部每歲裡甲乙之第謂引獎裡不其謬數被足長浮薄 青青不復與刺擾擾由其歸本矣人倫之始王化之先 士出外兼領郡官召置生徒依予故事保桑梓者鄉里 秩選通儒碩生間居其職十道大郡量置太學館令博 之風放僥倖之路矣其國子博士等望加員數厚其禄 臣師氏禄原無向貢士不稱行實胄子何當講習獨禮 舉馬在流寓者庠序推馬朝而行之夕見其利如此則 訓誘今京有太學州縣有小學兵革一動生徒流離儒

蔵奉詔仍勃禮部郎具條例奏聞代宗以廢進士科問 不是過也李廙等議與館協文多不載幸臣等奏以舉 翰林學士對曰進士行來已人處廢之恐失人業乃部 人舊業已成難於速改其今歲舉人望且許應舊舉來 恐長僥倖之路部停之再遷吏部侍郎歷典舉選精覈 其孝悌力田宜有實狀童子越衆不在常科同之歲貢 孝康與舊舉兼行館又奏歲貢孝悌力田及童子科等

人物以公平稱時元載秉政公卿多附之能孤立中道

Total of the last

之載貪冒日甚天下清議亦歸於給上深知之以載久 得名儒以清其秩乃奏為國子祭酒實欲以散地處 尼會魚朝恩死載以朝恩當判國子監事塵污太學 館大學士兼脩國史館久積公輔之望及韶出朝野 樞衛未即罷遣仍遷館為太常卿充禮儀使以郊廟 貞自守未當私謁載以紹雅望素惠外示尊重心實 久廢籍結根起之也亦以觀其効用是年三月載伏 上乃拜館中書侍郎同中書門下平章事集賢殿崇 一百十九

著 日减 墅在皇城之南池館臺樹當時第一寬即日潛遣毀 史中丞崔寬劒南西川節度使寧之弟家富於財有 中書命郭子儀在邠州行營聞館拜相座內音樂減 質結累表懇讓上屬意稍重結不敢解結素以德行 分之四京北尹黎幹以承恩每出入騶取百餘亦 開質性貞產車服儉朴居廟堂未數月人心自化 勝數其鎮俗移風若此綰有宿痼疾居職自日中 損車騎唯留十騎而已其餘望風變奢從儉者 風

欽

定四車全書一

革舊葵唯結是瞻恩遇莫二結累抗疏辭位 之章則九原可歸百辟知勸故朝議大夫守中書侍 在 及則謀其事功加之命數告於宗廟之祭被 上代宗震悼久之輟朝三日詔曰王者之於大臣 許及結疾亟上日發中使就第存問尚書御醫旦夕 側上間其有間喜見容色數日而薨中使在門馳 部令就中書省攝養每引見延英殿特許扶入時釐 則寄其腹心均於肢體恭於軍國之重叙以陰陽 頻詔敦 以紱

既務於朝班儉德已行於海內雖賢人之業異於可久 非其才毒流於政爰登清淨之輔庶皆至理之期道 於國庠以禮度掌於高廟簡康其質條職同休頃以 形於代西被專有家之地南官領選舉之源以儒 俗器重宗桑寬柔敬恭協於九德文行忠信引於四教 同中書門下平章事集賢殿崇文館大學士監修國史 無耳目之後以孝悌傳於家外無車服之客以貞實 柱國賜紫金魚袋楊館性合元和身齊律度道臣 信唐書

承倩會用贈絹干匹布三百端上深惜之顧謂朝臣曰 朝經可贈司徒又詔文武百寡臨於其第遣內常侍吳 震悼良深所懷其從長想何及况歷官有素絲之節居 太常初諡曰文貞詔曰褒德勸善春秋之舊章考行易 家無匹帛之餘故飾以華家增其法轉俗膺典策載賣 而夫子之命末如之何方有憑依遠此淪謝屏予之數 悲悼同之军輔膊贈恩遇哀禁之威近年未有其比 不使朕致太平何奪我楊綰之速也俯及大斂與

未展濟川之才素業人而彌彰清風及而可尚自古飾 委在樞衛掌兹密命獨契沃心之道累陳造膝之誠將 有不於之謙方册直書秩宗相禮辭稱良史學茂醇儒 名禮經之通典垂範作則存予格言朝議大夫中書侍 以布天下五行之和同君臣一德之運遽彰藏舟之歎 行為人紀文合典談清而晦名無自伐之善約以師儉 上柱國賜紫金魚袋贈司徒楊紹履道居貞含和毓徳 郎同中書門下平章事集賢殿崇文館大學士修國史

樂未當留意家產口不問生計累任清要無宅一區所 終之義皆錫以美名諡法曰忠信愛人曰文平易不解 與義先儒未悟者給一覧究其精理雅尚女言宗釋道 毀贖異同其議上怒貶端為廣州員外司馬館儉薄自 曰簡宜諡曰文簡比部即中蘇端性既在嫉其賢乃肆 得俸禄隨月分給親故清識過人至如往哲微言五經 二教嘗著王開先生傳以見意文多不載凡所知友皆 時名流或造之者清談終日未當及名利或有客欲 定四庫全書 卷一百十九

也 崔祐甫字貼孫祖旺懷州長史父沔黄門侍郎諡曰孝 中德望日崇天下雅正之士爭趨其門至有數千里來 公家以清儉禮法為士流之則祐甫舉進士歷壽安尉 以清德坐鎮雅俗時比之楊震那吉山濤謝安之儒 禄山陷洛陽士底奔进祐甫獨崎危於矢石之間潛 私廟員木主以寬歷起居舎人司勲吏部員外郎累 舊唐書 土

以世務干者見館言必玄遠不敢發辭內愧而退大思

拜兼御史中丞永平軍行軍司馬尋知本軍京師留後 洪上言 龍州將趙貴家指鼠同乳不相為害以為頑祥 奏令分知吏部選每有擬官家多駁下言數相侵時朱 性剛直無所容受遇事不回累遷中書舍人時中書侍 南上奏言臣聞天生萬物剛柔有性聖人因之垂訓 其故答曰此物之失常也可用不可賀中使徵其状 部遣中使以示於朝家率百僚慶賀祐甫獨石中官話 定四庫全書 枯甫省事數為宰相常家所侵祐甫不從家怒之 卷一百十九

鹿磨免彼皆以時殺獲為國之用档受人養育職既 E 具列三瑞無猫不食鼠之目以兹稱 亦何異於法吏不動觸 日貪而畏人若大鼠也臣旋觀之雖云動物異於 相 禮典以其除害利人雖微必録今此猶對鼠不食 仁矣無乃失於性乎鼠之為物畫伏夜動詩人賦 鼠 有體人而無禮又曰碩鼠碩鼠無食我泰其 邪疆吏不動杆敵又按禮 慶臣所未詳以

禮

記郊特姓曰迎猶為其食田鼠也然則猶之食

灾

足四車全書 一

為唐書

主

宗深嘉之家益惡祐甫代宗初崩發哀於西宫衮以獨 受任遇哀逾等禮例晨夕臨者皆十五舉音而哀輕哀 働涕泗或中墀返哭顧慕若不能去同列者皆不悅及 察聽貪吏誠諸邊候無失徼巡猫能致功能不為害代 以國家化治理平天符海至紛綸雜沓史不絕書今兹 **衮與禮司議奉臣喪服曰按禮為君斬衰三年漢文 鼠不可濫則若以劉向五行傳論之恐須申命憲司** 猶三十六日國家太宗崩遗詔亦三十六日而羣臣 卷一百十九

注義吏者謂官長所署則令胥吏耳非公卿百察之例 服二十七日而除則朝臣宜如皇帝之制祐甫執曰伏 e 延之既葬而除約四月也高宗崩服絕輕重如漢故事 日皆釋服則朝野中外何非天下凡百執事誰非吏 則皇帝宜二十七日而羣臣當三日也家曰按賀循 且當時遺詔雖曰天下吏人三日釋服在朝羣臣實 太后崩亦然及玄宗肅宗崩始變天子喪為二十七 部無朝臣庶人之别但言天下人吏勃到 A Aug W 指唐書 古田 後出 臨

2 6

安乎祐甫曰若遺詔何詔旨可改孰不可來堅諍不服 荣受殊龍故宜異數今與點首同制信宿而除之於爾 宣胥徒欺家曰禮非天降地出人情而已且公卿大臣 祐甫曰左傳云委之三吏則三公也史稱循吏良吏者 吏或扶之祐甫指示於衆曰哭於君前有扶禮乎家聞 之不堪其怒乃上言祐甫率情變禮輕議國典請詢為 而聲色甚厲不為禮節又家方哭於鉤陳之前而家從 州刺史内議太重改為河南少尹初肅宗時天下事

曾有可商之言德宗大駭謂來經問是日百察直經序 空平章事朱此名是幸臣當署制敕至於密勿之議則 肯出入非大事不欲歷抵諸第許令直事者一人假署 當貶謫上曰向言可謫今言非罪何也二人皆奏實力 署二人之名進貶祐甫敕出子儀及此皆表明祐甫不 莫得聞時德宗践祚未自日居不言之際家循舊事代 殷而宰相不減三四員更直掌事若休沐各在第有詔 同列之名以進遂為故事是時中書命郭子儀檢校司

史至日華 台馬

郎修國史仍平章事上初即位底務皆委軍司自至德 立於月華門立則家為河南少尹以枯甫為門下侍郎 書卓英倩李待崇革用事勢傾朝列天下官爵大者出 後四方既定而元載秉政公道監塞官由賄成中書主 乾元中天下多戰伐啟奏填委故官賞奏雜及永泰之 平章事两換其職祐甫出至昭應縣徵還尋轉中書侍 稱遂而去於是綱紀大壞及元載敗楊館尋卒常家當 元載小者自倩崇四方裔貨賄求官者道路相屬靡不

賢愚同滞及祐甫代家薦延推舉無復疑滞日除十數 國杜絕其門四方奏請莫有過者雖權勢與匹夫等非 識方可粗語若素不知聞何由知其言行獲誘之由實 聖旨令臣進擬庶官進擬必須語其才行臣若與其相 以辭賦登科者莫得進用雖賄賂稍絕然無所甄異故 於此上以為然神策軍使王駕鶴掌禁兵十餘年權 相未逾年凡除吏幾八百員多稱兄當上當謂曰 卿所除擬官多涉親故何也祐甫奏曰臣頻奉

į

1.5

傾 巴未可誠信以計逗留止之未有其解延問宰相 將士因以正已所獻錢錫賽諸軍人且使深荷聖徳又 中外德宗初登極將令白琇珪代之懼其生變祐 懼德宗威徳乃表獻錢三十萬貫上欲納其奏慮正 馬祐甫謀猷改沃多所弘益天下以為可復貞觀開 曰正已姦許誠如聖慮臣請因使往淄青便令宣慰 鶴 與語留連之時廷已赴軍前視事矣時李正已 知朝廷不重財貨上党從之正已大慙而心畏 祐甫 甫

元之太平也至冬被疾肩與入中書計而承肯或休假 宗還京具陳其狀以獻士君子盆重祐甫家法宜其享 重其為人乃遺王氏繒帛菽栗王氏受而緘封之及德 此之亂枯甫妻王氏陷於賊中此以當與枯甫同列雅 在第大事必令中使咨決薨時年六十上甚悼惜之 猶子植為嗣有文集三十卷故事門下侍郎未當 三日冊贈太傅媽布帛米栗有差益日文貞無子遺 三師者德宗以祐甫蹇蹇有大臣節故持寵異之朱

TEL O LOL AL O LEN

指唐書

皇甫鎛以宰相判度支請減內外官俸禄植封還敕書 令名也植字公修祐甫弟廬江令嬰甫子植既為相 加估定數及近年天下所納鹽酒利擔估者一切徵 罪轉而美植尋除御史中丞入閣彈事頗振綱紀長 諫而止縛復奏諸州府鹽院兩稅權酒鹽利匹段等 出繼伯父脩推思不及於父記贈嬰南吏部侍郎 皆可之植抗疏論奏令军臣召植宣旨嘉輸之物議 心經史尤精易象累歷清要為給事中時稱舉職時

事無不理聖賢相遇固宜如此玄宗守文繼體當經天 長人何道而然植對口前代創業之君多起自人問 之間繼有内難玄宗平定與復不易而聲明最威歷年 國家貞觀中文皇帝躬行帝道治致异平及神龍景龍 房立齡杜如晦魏徵王珪之屬為輔佐股肱君明臣忠 上聖之資同符堯舜之道是以貞觀一朝四海寧晏有 初拜中書侍郎同中書門下平章事穆宗當謂侍臣曰 百姓疾苦初承丕業皆能厲精思理太宗文皇帝特禀

J. J. IS 1897

后製危開元初得姚崇宋璟委之為政此二人者天生 每數古人至言後代莫及故任賢戒慾心歸冲漠開元 逸一篇為圖以獻玄宗置之內殿出入觀省咸記在心 俊傑動必推公夙夜孜孜致君於道璟當手寫尚書無 殊先臣具陳本末臣在童州即聞其說信知古人以章 失建中初德宗皇帝當問先臣祐甫開元天寶治亂之 箴規又信姦臣用事天實之世稍倦於勒王道於斯缺 之末因無逸圖朽壞始以山水圖代之自後既無座右 卷一百十九

漢文帝惜十家之產而罷露臺又云身衣弋絲履革 由是海内點首咸樂其生家給户足追至武帝公私 所記必非妄言漢與承亡秦殘酷之後項氏戰爭之餘 龜則天下幸甚穆宗善其對他日復謂軍臣曰前史稱 **發作戒其盆弘多陛下既虚心理道亦望以無逸為元** 海內凋弊生人力竭漢文仁明之主起自代邸知稼穑 集上書囊以為殿惟何太儉也信有此乎植對曰良史 製難是以即位之後躬行儉約繼以景帝循遵此風

E 9

THE AL PLANT

舊唐書

富用能出師征伐威行四方錢至貫朽穀至紅腐上務 半乃下哀痛之韶封丞相為富人侯皆漢史明徵用為 侈靡資用復竭末年稅及舟車六畜人不聊生户口減 平奉盗河朔三鎮復入提封長慶初幽州節度使劉總 約之致也上曰柳言甚善患行之為難耳憲宗皇帝削 據武帝嗣位之初物力阜殷前代無比固當因文帝儉 事實且耕益之勘出自人力用既無度何由以至富强 以幽薊七州上獻請朝廷命帥總仍懼部將構亂乃

籍其豪銳者先送京師時朱克融在籍中植與同列杜 成務之才及喪師異方天下尤其失策俊字德長祖壽 植 中書乞官殊不介意及張弘靖赴鎮令克融等從還不 元類素不知兵且無遠處克融等在京羈旅窮餓日請 理卿孝公沔之弟也壽生儀甫終大理丞即传之父 和三年正月卒年五十八植雖器量謹厚而無開物 兄弟之由乃罷知政事守刑部尚書出為華州刺史 月克融囚弘靖害賓佐結王廷湊國家復失河朔 舊唐書

異鎮江西奏為副使得監察裏行又從異領使為河陰 舊法豐年貿易不出境鄰部災荒不相郵倭至謂屬吏 史理行為第一轉潭州刺史湖南都團練觀察使湖南 入為膳部郎中充荆襄十道兩稅使賜金紫遷蘇州剌 院鹽鐵留後入為侍御史尋改膳部員外充轉運判官 事恭軍觀察使崔行奇其才奏加章服後群而不受李 以門蔭由太廟森郎調授太平東陽二主簿李衛產察 南江西辟為演佐坐事沉廢久之復以選授宣州録 定四庫全書 卷一百十九

其糧賜請度支嚴給穆宗下軍臣議後固言魏鎮各有 之人久隔朝化人情易為愛擾累表請留魏卒為綱 正移即鎮州引正之行以魏卒二千為帳下又以常山 入為户部侍郎判度支時债再從弟植為宰相後性剛 曰此非人情也無宜閉糶重因於民也自是商賈通流 兵朝廷無例支給恐為事例不可聽從引正不獲 恃其權寵與奪任情時朝廷以王承元歸國命田弘 魏卒還潘不數日而鎮州亂 引正遇害穆宗失徳俊

文

E 9

車全書

舊唐書

黨方威人不敢礼其罪能領度支檢校禮部尚書出為 鳳翔節度等使不暮歲召為河南尹時年七十抗疏致 寶末舉進一五歷太子正字累授補闕起居郎寶應二年 常哀京北人也父無為三原縣丞以衮累贈僕射衮天 襄陽掌書記監察御史方雅有父風 以禮節恃已之蔗見贓汗者如雖馬子嚴登進士第辟 部以户部尚書歸第明年暴卒輟朝一日贈太子少 諡曰肅彼居官清嚴所至必理然時介急待僚屬不

敷恩寵莫二各有親戚干貢部及求為两館生家皆執 士時中官劉忠翼權傾內外涇原節度馬璘又累著功 多事西北邊廣連為寇盗衣累上章陳其利害代宗甚 朝恩恃權寵兼領國子監事家上疏以為不可時朝廷 顧遇之加集賢院學士大歷元年連禮部侍郎仍為學! 同為舍人時稱為常楊性清直孤絕不妄交遊內侍魚 水泰元年遷中書舍人家文章俊拔當時推重與楊炎

指唐書

選為翰林學士考功員外郎中知制告依前翰林學士

騁私懷所加俸料厚薄由己時少列各定月俸為三十 館大學士與楊館同掌樞務代宗尤信重館館弘通多 竟拜家門下侍郎同平章事太清太微宫使崇文弘文 理人皆畏之元載之得罪令哀與劉晏李涵等鞫之獄 俸料寡薄館與家奏請加之時韓滉判度支來與混各 五干滉怒司業張恭唯止給三十千來惡少詹事趙恭 可衰頗務寺細求清儉之稱與館之道不同先是百官 定匹庫全書

遂給二十五千太子洗馬實司經局長官文學為之貳

家有親戚任文學者給十二千而給洗馬十千其輕 宜 每 这今便為故事又將故讓堂封同列以為不可而止議 任 情不通時政多如此類無幾楊紹卒家獨當政故事 政事以自廣也衮又塞絕其門以示尊大不相 日出内厨食以賜宰相饌可食十數人家特請罷之 以為厚禄重賜所以優賢崇國政也不能當解位 禄食政事堂有後門蓋宰相時到中書舎人院咨 往

既懲元載為政時公道梗滋賄

點朋黨大行不以財

2

Li dila W

舊唐書

丰

權與匹夫等尤排損非群登科第者雖室賣官之路故 者無因入仕家一切杜絕之中外百司奏請皆執不與 章事無得總中書省遂管綜中書母吏省事去就及其 中書侍郎舎人崔祐甫領省事家以為同中書門下平 **衮與館志尚素異嫉而怒之有司議諡館為文貞家做** 案贖祐甫不能平之累至您競遂令祐甫分知吏部 事大致壅滞代宗既素重楊綰欲以政事委之館尋卒 比部郎中蘇端令駁之毀館過甚端坐點官時既無


史臣曰善人為邦百年即可勝殘去殺楊館入相數日 代宗崩與祐甫爭論喪服輕重代相署奏初換祐甫河 年遷福建觀察使四年正月卒時年五十五久之贈左 南少尹再貶為潮州刺史楊炎入相素與家善建中元 所擬官又多較下時家散官尚朝議又無封爵郭子 射有文集六十卷 因入朝奏之遂特加銀青光禄大夫封河南郡公及 致移風易俗周召伊傅蕭張房杜歷代為相之顯者


į


舊唐書


千四

紹拜相之麻贈官之制改益之記則當時東筆者無**想** 赞曰公權儒道貼孫相才命守不永時哉可哀 人無問言開物成務之才滅私徇公之道可知也噫公 色矣昔趙文子薦士七十古為美談崔祐甫除吏八百 亂世多其義在兹矣常家之輩不足云爾 餘旬日而薨貼孫未暮年而逝寧古已來理世少而 **克匹厚全書** 舊唐書卷一百十九 開斯道也當讀諸集賞善多滋美書罪多滋惡如楊 卷一百十九











腾銀監生 臣沈元對官編修臣朱

朝

欽定四庫全書曾要 書店書卷一百二十二

詳校官編修臣王天禄

郭子儀華州鄭縣人父敬之歷綏渭桂壽四五州刺一郎子儀子曜縣晚曙晤映 時子網 以子儀貴贈太保追封祁國公子儀長六尺餘體貌 欽定四庫全書舊要卷五千三十六史部 始以武舉高等補左衛長史累歷諸軍使天寶 舊唐書卷一百二十 後晉司空同中書門下平章事劉 舊唐書 昫撰

於木刺山置横塞軍及安北都護府命子儀領其使拜 子儀為衛尉如兼靈武郡太守充朔方節度使詔子儀 太守朔方節度右兵馬使十四載安禄山反十一月以 敗之進收雲中馬邑開東脛以功加御史大夫十五載 項傳首關下祿山遣大同軍使高秀嚴寇河曲子儀擊 以本軍東討遂舉兵出單于府收靜邊軍斬賊將周萬 衛大將軍十三載移横塞軍及安北都護府於永清 北築城仍改横塞衛為天德軍子儀為之使兼九原 定四庫全書 卷一百二十

常山郡破賊於九門南攻趙郡生擒賊四千皆捨之斬 子儀堅壁自固賊來則守賊去則追畫楊其兵夕襲其 一城守二月子儀與河東節度使李光弱率師下井脛拔 數萬人踵其後我行亦行我止亦止子儀選聽騎五百 偽太守郭獻珍獲兵仗數萬師還常山賊将史思明以 正月賊將蔡希德陷常山郡執顔果卿河北郡縣皆為 山間思明敗乃以精兵益之我軍至恒陽賊亦隨至 挑之三日至行唐賊疲乃退我軍乗之又敗於沙河 to date of 舊唐書

博陵於是河北十餘郡皆斬賊守者以迎王師子儀将 奏迎車駕七月肅宗即位以賊據兩京方謀収復詔子 女宗幸蜀肅宗幸靈武子儀副使杜鴻漸為朔方留後 四萬級生擒五千人獲馬五千匹思明露髮跣足奔于 幕賊人不及息數日光弼議曰賊怠矣可以戰六月子 思明蔡希德尹子奇等亦結陣而至一戰敗之斬馘 光弼率僕固懷恩渾釋之陳迎光等陣於嘉山賊将 圖范陽軍聲大振是月哥舒翰為賊所敗潼關不守 卷一百二十

唯倚朔方軍為根本十一月賊將阿史那從禮以同羅 長史朔方軍節度使肅宗大閱六軍南趨關輔至彭原 朝廷初立兵衆寡弱雖得牧馬軍容缺然及子儀光弼 郡宰相房琯請兵萬人自為統帥以討賊帝素重琯許 為兵部尚書同中書門下平章事依前靈州大都督府 全師赴行在軍齡遂振與復之勢民有望焉詔以子儀 儀班師八月子儀與李光弼率步騎五萬至自河北時 巴日草公香 一 兵及陳濤為賊所敗喪師殆盡方事討除而軍半 舊唐書

曲平定賊將崔乾祐守潼關二年三月子儀大破賊於 僕骨五千騎出塞誘河曲九府六胡州部落數萬欲迫 乾祐兵入將半下懸門擊之乾祐未入遂得脱身東走 行在子儀與迴於首領葛邏支往擊敗之斬獲數萬河 潼關崔乾祐退保蒲津時永樂尉趙復河東司户韓旻 至則為內應及子儀攻浦州趙復等斬賊守陣者開 士徐炅宗子李藏鋒等陷賊在浦州四人密謀俟王 納子儀乾祐與麾下数千人走安邑安邑百姓偽降

安禄山死朝廷欲圖大舉部子儀還鳳翔四月進位司 潰盡委兵仗於清渠之上子儀收合餘衆保武功詣 滴水之西與賊將安太清安守忠戰王師不利其衆大 空充關內河東副元帥五月詔子儀師師題京城師 請罪乞降官資乃降為左僕射餘如故九月從元帥廣 子儀遂收陕郡永豐倉自是潼陕之間無復冠鈔是月 四千騎助國討賊子儀與葉護宴押修好相與誓平 王率酱漢之師十五萬進收長安迴約遣葉護太子

定四車全書

城軍大潰自千至西斬首六萬級賊將張通儒守長安 休士三日率師東趙肅宗在鳳翔聞捷羣臣稱賀帝以 萬夾道歡叫涕泣而言曰不圖今日復見官軍廣平王 聞歸仁等敗是夜奔陝郡翌日廣平王入京師老幼百 突擒賊十餘騎乃定迴紀以奇兵出財陣之後夾攻之 國難相得甚好子儀奉元帥為中軍與賊将安守忠李 果十萬陳於北歸仁先薄我軍我軍亂李嗣業奮命馳 仁戰於京西香積寺之北王師結陣横亘三十里賊

嚴莊悉其衆十萬來赴陝州與張通儒同抗官軍賊聞 前週紀登山乗其背遇賊潛師於山中與鬬過期大 官軍至悉其衆屯於陝西負山為陣子儀以大軍擊 宗廟被焚悲咽不自勝臣寮無不感泣十月安應 陽遂與安慶緒渡河保相州子儀奉廣平王入東都 令進盡殺之師馳至其後於黄埃中發十餘箭賊驚 却賊分兵三千人絕我歸路眾心大搖子儀壓迴於 迴給來即時大敗 僵屍遍山澤嚴莊張通儒走歸洛

定四庫全書

安守忠以獻遂朝京師敕百家班迎於長樂驛帝御望 兵於天津橋南士庶歡呼於路偽侍中陳希烈偽中書 春樓待之進位中書令九月奉詔大舉子儀與河東節 都命子儀經營北討乾元元年七月破賊河上擒偽將 雖吾之家國實由卿再造子儀頓首感謝十二月還東 千户尋入朝天子遣兵仗戎容迎于灞上肅宗勞之曰 河西河南賊所盗郡色皆平以功加司 徒封代國公食邑 令張垍等三百餘人素服請罪王慰撫遣之是時河東

選射者三千人伏於壁内誠之曰俟吾小却賊必爭進 自古園渡河圍衛州安慶緒與其縣将安雄俊崔乾祐 立元帥唯以中官魚朝恩為觀軍容宣慰使十月子 業裹郵節度使問見荆南節度李廣琛河南節度使准 薛高田承嗣悉其衆來接分為三軍子儀陣以待之預 光遠滑濮節度許叔其平盧兵馬使董泰等九節度之 度使李光弱關內節度使王思禮北庭行營節度李 討安慶緒帝以子儀光弱俱是元勲難相統屬故

画 山山 一

售唐書

駭子儀整衆追之賊衆大敗是役也獲偽鄭王安慶和 偽稱燕王王師雖衆軍無統師進退無所承稟自冬祖 思明且言禪代十二月思明遣將李歸仁率衆赴之告 以獻遂收衛州進軍趨點與賊再戰于愁思岡賊軍又 之及壘門遽聞鼓課俄而弓弩齊發矢注如雨賊徒震 則登城鼓躁弓弩齊發以迫之既戰子儀偽道賊果乗 乃連管圍之慶緒遣薛高以所乗馬十匹求救於史 盗陽二年正月史思明自率范陽精卒復陷魏州乃

步不辨物色我師潰而南賊軍潰而北委棄兵仗輜重 前軍遇賊于點南與之接戰夷傷相半魯見中流天子 飲定四庫全書 一 累積於路諸軍各還本鎮子儀以朔方軍保河陽斷浮 儀為後陣未及合戰大風遽起吹沙拔木天地晦瞑跬 春竟未破賊但引漳水以灌其城城中食盡易子而食 河南諸道行管元帥中官魚朝恩素害子儀之功因其 橋有記令留守東都三月以子儀為東都畿山南東道 一月思明率衆自魏州來李光弼王思禮許叔異魯見 1.1 百二十

不振媒孽之尋名還京師天子以趙王係為天下兵馬 失兵柄乃思王室以禍難未平不遑寢息俄而史思明 令率英武威遠等禁軍及河西河東諸鎮之師取邠寧 上元元年九月以子儀為諸道兵馬都統管崇嗣副之 有社稷大功今殘孽未除不宜置之散地肅宗深然之 子儀郊寧鄭坊兩鎮節度使仍留京師言事者以子儀 元帥李光弼副之委以陝東軍事代子儀之任子儀雖 再陷河洛朝廷肝食復慮蕃冠逼迫京畿三年正月授

竟不行上元二年二月李光弼兵敗於邙山河陽失守 朔方大同横野徑抵范陽詔下旬日復為朝恩所間事 方河中北庭路儀澤沁等州節度行管兼與平定國副 廷憂之後輩帥臣未能彈壓勢不獲已遂用子儀為朔 時太原節度都景山亦為部下所殺恐其合從連賊朝 魚朝恩退保陝州三年二月河中軍亂殺其帥李國貞 月子儀辭赴鎮肅宗不豫羣臣莫有見者子儀請曰老 帥充本管觀察處置使進封汾陽郡王出鎮絳州三 舊唐書

謂子儀曰河東之事一以委卿子儀嗚咽流涕賜御馬 七百户充肅宗山陵使子儀既謝恩上表進肅宗所賜 宿將以子儀功高難制巧行離問請罷副元帥加實封 臣受命将死於外不見陛下目不與矣帝乃引至臥內 四月代宗即位內官程元振用事自於定策之功忌嫉 子儀誅元振亦誅害景山者由是河東諸鎮率皆奉法 擒其殺國負賊首王元振數十人誅之太原卒雲京聞 銀器雜絲別賜網四萬匹布五萬端以賞軍子儀至絳

万

皇帝乃舉兵而南大遠於岐陽先帝憂勤宗社託臣以 宇自後不以臣寡劣委文武之二柄外敷邦教内調恩 家國俾副陛下掃兩京之妖浸陛下雄圖丕斷再造區 恩很刷朝列會天地震盪中原血戰臣北自靈武冊先 該直慮此招謗上賣冤旅陛下居高聽早察臣不貳皇 能是以常許國家之死實荷日月之明臣本愚凌言多 后土察臣無私伏以器忌滿盈日增就惕焉敢偷全

飲定四庫全書 一

きー ヨニト

前後說敢因自陳訴曰臣德薄蟬翼命輕鴻毛累蒙國

之功成子孫萬代之寶自靈武河北河南彭原鄜坊河 東鳳翔兩京絳州臣所經行賜手詔敕書凡二十卷 寒劍圻濺血需衣野宿魂驚飲水傷骨跋涉難阻出 妨賢路自受恩塞下制敵行間東西十年前後百戰 臣詔書一千餘首聖旨微婉慰諭綢終彰微臣一 過也朕甚自愧公勿以為慮代宗以子儀項同患難 死生所仗唯天以至今日陛下曲垂息獎念及勤勞 一進庶煩聽覽詔答曰朕不徳不明俾大臣愛疑

崇義據襄陽叛僕固懷恩阻兵於汾州引廻紀吐蕃之 至西殺蕃軍數千然其徒多殞賊將逼京師君上計無 裴我來填子儀既為所間其事遂寢乃留京師我而梁 收復兩京禮之逾厚時史朝義尚據洛陽元帥雍王率 緣山而東渭北行營兵馬使日日將逆戰于盩屋自辰 與蕃軍為鄉導引賊深入京畿掠奉天武功濟渭而南 泉入冠河西明年十月吐蕃陷涇州虜刺史高暉暉隊 師進討代宗欲以子儀副之而魚朝恩程元振亂政殺

一一一一卷一百二十 還京至則車駕已發射生將王獻忠從駕沿路遂以四 語部下唯二十騎强取民家畜産以助軍至咸陽蕃軍 遇之話豐王等所向遂護送行在子儀以三千騎傍南 山至商州得武關防兵及六軍散卒四千人招輯亡逸 百騎叛仍逼豐王已下十王欲投於賊子儀入開遠門 已過渭水其日天子遊秋幸陝州子儀聞上遊秋雪涕 不利李光弼代掌兵柄及徵還朝廷部曲散去及是奉 所出遽詔子儀為關內副元帥出鎮成陽子儀自相州

其軍漸振著冠犯京城得故が王守禮孫廣武王承宏 立命號假署百官子儀遣六軍兵馬使張知節鳥崇福 惶駭而去大将李忠義先屯兵苑中渭北節度使王仲 為京兆尹聚兵二千人擾亂京城子儀名無殺之部子 陰結少年豪俠以為內應一日齊擊鼓於朱雀街蕃軍 升守朝堂子儀以大軍續進至渡西射生將王撫自署 **盛張旗幟鼓鞞震山谷全緒遣禁軍舊將王甫入長安** 羽林軍使長孫全緒等將兵萬人為前鋒管於韓公堆

京勘帝且都洛陽以避蕃冠代宗然之下詔有日子儀 儀權京城留守自西蕃入思車駕東幸天下皆咎程元 聞之因兵部侍郎張重光宣慰迴附章論奏曰臣聞雍 千里帶甲十餘萬兵强士勇雄視八方有利則出攻無 振東宫屬論之元振懼又以子儀復立功不欲天子還 險後有清渭濁河之固神明之與王者所都地方數 之地古稱天府右控隴蜀左扼衛函前有終南太華 則入守此用武之國非諸夏所同秦漢因之卒成帝

盛中宗玄宗之明多在秦川鮮居東洛問者羯胡構亂 業其後或處之而泰去之而亡前史所書不唯 先入關惟能翦滅姦雄底定區守以至于太宗高宗之 隋氏季末煬帝南遷河洛丘墟兵戈亂起高祖唱義云 鑾駕東巡蓋以六軍之兵素非精練皆市肆屠沽之人 抑亦地形使然此陛下所知非臣飾説近因吐蕃凌逼 慶緒奔亡陛下藉西土之師朝義就發豈唯天道助順 九服分崩河北河南盡從逆命然而先帝仗朔方之衆

滿千户井邑榛棘豺狼所學既之軍儲又鮮人力東至 官室焚燒十不存一百曹荒廢曾無尺椽中間畿内不 者哉今道路云云不知信否咸謂陛下已有成命將幸 務挂虛名茍避征賦及驅以就戰百無一堪亦有潛輸 不安退居陝服斯蓋關於委任失所豈可謂秦地非良 以財因以求免又中官掩蔽庶政多荒遂令陛下振 都臣熟思其端未見其利夫以東周之地久陷賊中 小達於徐方北自覃懷經于相土人烟斷絕千里

條將何以奉萬乘之姓餘供百官之次舍别其土地如 場陛下奈何棄父安之勢從至危之策忽社稷之計生 天下之心臣雖至愚竊為陛下不取且聖古所慮豈不 年華車三十乗季年三百乗卒能恢復舊業享無疆之 懿公為狄所滅始廬于漕衣大布之衣冠大帛之冠元 臣所見深謂不然昔衛文公小國之君諸侯之主耳遭 以京畿新遭剽掠田野空虚恐糧食不充國用有關以 肥 總數百里間東有成皋南有二室險不足恃適為戰

灾足日事全書

京師十一月車駕自陝還官子儀伏地請罪帝駐車勞 宗省表垂泣謂左右曰子儀用心真社稷臣也可亟還 官抑監刀易牙之權任遠瑗史鯔之直溝征弛力師隐 休況明明天子躬儉節用尚能點素食之吏去冗食之 自理冠盜自平中與之功旬月可其十年之期永永無 迨鰥委諸相以簡賢任能付老臣以練兵禦侮則黎元 廟以修薦享認陵寢以崇孝思臣雖隕越死無所恨代 極矣願時邁順動迎鑾上都再造邦家唯新庶政奉宗

時河北副元帥僕固懷恩方頓軍汾州掠并汾諸縣以 使出鎮河中蕃戎既退僕固懷恩部下離散是月懷恩 之口朕用卿不早故及於此乃賜鐵券圖形凌烟閣是 為已邑乃以子儀兼關內河東副元帥河中節度觀 及朔方招撫觀察使其關內河東副元帥中書令如故 月以子儀守太尉充北道那寧涇原河西已東通和蕃 以現之衆歸於子儀懷恩懼棄其母而走靈州明年九 子踢主兵偷次為帳下將張惟岳所殺傳首京師惟岳 定四車全書 一 書書

志之所至敢不盡言自兵亂已來紀綱宸壞時多躁競 浮俗是用勤勤懇懇願罷此官庶禮讓與行由臣而致 論臣每見之深以為念告范宣子讓其下皆讓樂屬為 重竊憂非據輒敢上聞伏奉詔書未允誠懇臣畴告之 子儀以懷恩未誅不宜讓使堅辭太尉曰太尉職雄任 分早知止足今兹累請竊懼滿盈義實由東事非矯飾 少廉隅德薄而位尊功微而賞厚實繁有聚不可彈 不敢違也臣誠薄劣竊慕古人務欲以身率先大變

也臣位為上相爵為真王參啓沃之謀受腹心之寄恩 轉肯官爵誓無所受处當追蹤范蠡繼迹留侯臣之鄙 家國未安臣子之心不敢寧處茍西戎即敘懷恩就擒 榮已極功業已成尋合乞骸保全餘齒但以寇讐在近 儀出鎮奉天台子儀問禦戎之計子儀曰以臣所見懷 僕固懷恩引吐蕃迴紀党項數十萬南下京師大恐子 懷切在於此優部不許子儀見上感治懸讓乃止十月 恩無能為也帝問其故對曰懷恩雖稱聽勇素失士心

飲定四庫全書

皆臣之部曲臣恩信當及之今臣為大將必不忍以鋒 之子儀止之曰夫客兵深入利在速戰不可爭鋒彼皆 孝德開城拒守懷恩前鋒至奉天近城挑戰諸將請擊 今所以能為亂者引思歸之人耳懷恩本臣偏將其下 未可知敢言戰者斬堅壁待之果不戰而退子儀自涇 吾之部曲緩之自當攜貳若迫之是速其戰戰則勝負 儀令長男朔方兵馬使曜率師援之與邠寧節度使白 相向以此知其無能為也屬冠邠州子儀在涇陽子

劣素之行能逢時擾攘很蒙驅策內參朝政外總兵雖 賜隆厚十一月以子儀為尚書令上表懇解曰臣以薄 南宫當茲大任況太宗昔居藩科當践此官累聖相承 意未悉旬時復延寵命以臣褊淺又寡智謀安可謬職 殊私曲臨遂見於許獨謂陛下已知其願深察其心豈 深覆飲之憂實盈寤寐臣昨所以固辭太尉乞保餘年 一不能翼戴三光下不能紀逃產題功微賞厚任重思 八朝帝御安福門待之命子儀樓上行朝見之禮宴 舊唐書

位尊難逃天子之責員乗致冤復速神明之誅伏乞天 曠而不置皇太子為雍王之日陛下以其總兵薄伐平 武德之際太宗為之非憑懇上陳請罷斯職而陛下未 堂至省賜教坊樂子儀不受復上表曰臣伏以尚書令 慈俯停新命答詔不允翌日敕所司令子儀於尚書省 一定 三克察務欲褒崇區區微誠益用惶懼何則太宗立極 事的宰相百家送上遣射生五百騎執報翼從自朝 一關東飲至策熟再有斯授豈臣末職敢亂大倫德 眉白雪

之德下貽萬方之非臣雖至愚安敢輕受况久經兵亂 體固當奉而行之豈可猥私老臣隱厥成式上掩陛下 豈可輕為此舉以亂國章國章亂於上則庶政愿於下 **皙賞者多一人之身兼官數四朱紫同色清濁不分爛** 此陛下作法之際審官之時固合始於老臣化及班列 /主聖徳在人自後因廢此官永代作則陛下守文 定四庫全書 一 敢輕議今元兇沮敗計日成擒中外無虞妖氛漸息 之謠復聞聖代臣頃觀其樂思革其源以逆冠猶存 卷一百二十

海内之政皆亂則國家又安得永代而無患哉陛下苟 兼之官自然天下文明百工式叔太平之業可得而復 於天階敏事而寡言居敬而行簡人難其易爾易其難 優崇之命所以報功總領之司期於賦政卿入居台鼓 也臣誠蒙鄙識昧古今志之所切實在於此手語答曰 能從臣之言俯察誠請彼貪樂冒進者亦將各讓其所 統戎旃爰自先朝累匡多難靖羣気於海表凝庶績 以命掌六聯首茲百辟顧循時議食謂允諧而屢拜

鄭庭郝德劉開元等三十餘萬南下光發數萬人掠同 美人盧氏等六人從者八人并車服惟帳床蓐珍玩之 封章懸懷讓挹守淳素之道語政理之源無待禮成曲 泰元年五月以子儀都統河南道節度行營出鎮河中 具時蕃屬屬冠京畿尚蒲陕為內地常以重兵鎮之水 從德讓宜宣示於外編之史冊遣內侍魚朝恩傳語 月僕固懷恩誘吐蕃迴允党項羌渾奴刺山賊任敷 期自華陰趨藍田以扼南路懷恩率重兵繼其後廻 舊唐書

京城壮丁並令團結城二門塞其一魚朝恩枯士庶私 恐天子下語親征命李忠臣屯東渭橋李光進屯雲陽 召子儀自河中至屯於涇陽而虜騎已合子儀一軍萬 紀吐蕃自涇祁鳳翔數道冠京畿掠奉天體泉京師震 餘人而雜屬圍之數重子儀使李國臣高昇拒其東魏 馬重兵捉城門市民由實穴而通去人情危迫是時急 馬璘郝廷玉屯便橋縣奉先李日越屯盩屋李抱玉屯 翔周智光屯同州社冤屯坊州天子以禁軍屯苑内 卷一百二十

騎二千出沒於左右前後虜見而問曰此誰也報曰郭 存乎報之曰皇帝萬歲無疆迴允皆曰懷恩欺我子儀 海令公亦謝世中國無主故從其來今令公存天可汗 令公也廻紀曰令公存乎僕固懷恩言天可汗已棄四 楚王當其南陳迎光當其西朱元珠當其北子儀率甲 是時子儀與公等周旋製難何日忘之今忽棄舊好助 又使論之曰公等項年遠涉萬里弱除兇逆恢復二京 叛臣何其愚也且懷恩肯主棄親於公等何有迴允

於足日華全書 一

曰謂令公亡矣不然何以至此令公誠存安得而見之 之酒與之羅錦歡言如初子儀說迎紀曰吐蕃本吾舅 子儀将出諸將諫曰戎狄之心不可信也請無往子儀 乃傳呼曰令公來虜初疑持滿注矢以待之子儀以數 乎諸將曰請選鐵騎五百衛從子儀曰適足以為害也 曰虜有數十倍之衆今力固不敵且至誠感神况虜輩 紀皆捨兵下馬齊拜曰果吾父也子儀名其首領各飲 騎徐出免胃而勞之曰安乎久同忠義何至於是迴

甥之國無負而至是無親也若倒戈乗之如拾地芥耳 其羊馬滿野長数百里是謂天賜不可失也今能逐去 士 女四千人獲牛羊馳馬三百里內不絕子儀自涇陽 儀遣朔方兵馬使白元光與迴紀會軍吐蕃知其謀是 沙羣屬無所統攝遂許諾乃遣首領石野那等入朝子 以利舉與我繼好而凱旋不亦善乎會懷恩暴死于鳴 夜奔退迎紀與元光追之子儀大軍繼其後大破吐蕃 餘萬於靈武臺西原斬首五萬生擒萬人收其所掠

舊唐書

節度使周智光殺監軍張志斌謀叛帝以同華路阻召 一百匹為子儀纏頭之費極数而罷九月吐蕃冠涇州 将發同華将更聞軍起乃斬智光父子傳首京師二年 討之縱請為蠟書令家僮問道賜子儀奉詔大閱軍戎 子儀女壻工部侍郎趙縱受口詔往河中令子儀起軍 内侍魚朝恩共出錢三十萬置宴於子儀第恩出雜錦 入朝加實封二百户還鎮河中大歷元年十二月華州 月子儀入朝军相元載王縉僕射表冤京兆尹黎幹

عدرا. الك المحد

帝言之子儀號泣奏日臣久主兵不能禁暴軍士殘人 靈州邀擊敗之斬馘二萬十二月盗發子儀父墓補盗 部子儀以步騎三萬自河中移屯涇陽十月吐蕃退至 未獲人以魚朝恩素惡子儀疑其使之子儀心知其故 廷乃安三年三月還河中八月吐蕃冠靈武九月韶子 及自涇陽将入議者慮其構變公卿憂之及子儀入見 儀率師五萬自河中移鎮奉天是月白元光大破吐蕃 之墓固亦多矣此臣不忠不孝上獲天禮非人患也朝

於定四事全書 一

善書

節度自河中移鎮郊州徙馬璘為涇原節度使八年十 於靈武十月子儀入朝還鎮河中時議以西蕃侵冠京 充迴紀馬價雖詔旨不允內外稱之九年入朝代宗名 匹子儀以迎統前後立功不宜阻意請自納一年俸物 不利會馬璘設伏於潘源與城合擊大破蕃軍停斬數 月吐蕃冠涇州子儀遣先鋒兵馬使渾城逆戰于宜禄 計迴紀赤心賣馬一萬匹有司以國計不充請市千 不安馬璘雖在郊州力不能拒乃以子儀兼郊寧磨

京東西南北曾無寧歲中年以僕固之役又經耗散人 萬纔敵一隅自先皇帝龍飛靈武戰士從陛下收復兩 七三分之二比於天實中有十分之一今吐蕃充斥勢 **狁五城相去三十餘里開元天寶中戰士十萬戰馬三** 强十倍兼河隴之地雜羌渾之衆每歲來閱近郊以朔 、延英語及西蕃充斥苦戰不暇言發涕零既退復上 論備吐蕃利害日朔方國之北門西禦大戎北虞檢

方減十倍之軍當吐蕃加十倍之騎欲求制勝豈易為

時淹師老地潤勢分願陛下更詢謹議慎擇名将俾之 吐蕃之强中有易搖之聚外畏內懼將何以安臣伏以 陛下横制勝之街力非不足但處簡練未精進退未一 誠合固守不宜與戰又得馬璘牒賊疑涉渭而南臣若 統軍於諸道各抽精卒成四五萬則制勝之道父矣未 堅壁恐犯畿甸若過畿內則國人大恐諸道易搖外有 カ入近内地稱四節度每將盈萬每賊兼乗數四臣所 統将士不當賊四分之一所有征馬不當賊百分之二 定四庫全書 | 卷一百二十

蘑益振攻守处全亦長久之計也臣很蒙任遇垂二十 萬空耗月鎮會不智戰臣請抽赴關中教之戰陣則軍 憂深慮遠殊沃朕心始終倚賴未可執辭也德宗即位 詔還朝攝冢军充山陵使賜號尚又進位太尉中書令 年今齒髮已衰願避賢路止足之誠神明所鑒語曰卿 增實封通計二千户給一千五百人糧二百匹馬草料 可失時臣又料河南河北山南江淮小鎮數千大鎮數 領諸使副元帥並能諸子弟女壻拜官者十餘人建

氏子弟迎拜於外王不答拜子儀臥不能與以手叩頭 處高而更安尚父比日望之名為師增周公之位盛業 鎮撫四夷體元和之氣根負一之德功至大而不伐身 台之任鼎足相承上以調三光下以蒙五岳允釐庶績 可久殁而彌光故太尉兼中書令柱國汾陽郡王尚女 朝五日詔曰天地以四時成物元首以股肱作輔公 恩而已六月十四日薨時年八十五德宗聞之震悼 定匹庫全書 1 年夏子儀病甚德宗令舒王誼傳詔省問及門郭 卷一百二十

稷必有於絳侯定羌戎無踰於充國絲臺綏四散之衆 多難羯胡作禍咸秦失險河洛為戎公能扶異肅宗載 子儀天降人傑生知王佐訓師如子料敵如神昔天寶 臣尊其元老加以崇號期壽考之永養熟賢之德膏肓 涇陽降十萬之屬熟高今古名藍夷狄而勞乎征鎮二 造區夏於國有患勞其戡定於邊有冠籍其驅除安社 紀丁茲頃以春秋既高疆場多事罷彼旌鐵龍在台衛 以公柱石四朝藩翰萬里忠貞懸於日月寵遇冠於人

尚父官協太師雖爵秩則同而體望尤重斂以衮冕旌 去病之熟干載如存九原可作冊命之禮有司備馬可 三千端米麥三千石舊令一品墳高丈八而詔特加十 生疾藥石靡攻人之云亡深木斯壞雖膊禮加等報朝 定四庫在言 太師陪葬建陵仍令所司備禮冊命膊絹三千匹布 羣臣以次赴宅吊哭凶喪所須並令官給及葬上御 元臣聖祖園陵所宜陪葬式墓表文終之徳象山追 日悼之流涕曷可弭忘更議追崇名位斯極而尊為

安福門臨哭送之百察陪位隕泣賜益曰忠武配饗 官吏六十餘人後位至將相昇朝扶贵位勒其姓名於 重官諸孫數十人每羣孫問安不盡辨額之而已然佐 宗廟庭子曜肝晞咄晤暖曙映等八人壻七人皆朝 石今在河中府人士榮之史臣裴泊曰汾陽事上誠蓋 詔命徵之未當不即日應召故讒謗不能行代宗幸 臣程元振魚朝恩譖毁百端時方握强兵或方臨戎 下寬厚每降城下邑所至之處必得士心前後遭

Nel 10 met de duto 1

舊唐書

陝時令以數十騎視賊及在涇陽又陷於胡虜重圍之 幣經其境莫敢留之处持兵衛送其為豺虎所服如此 望拜之指其膝謂使者曰茲膝不屈於人若干歲矣今 進退如僕隸馬幕府之盛近代無比始與李光弱齊名 麾下老将若李懷光輩數十人皆王侯重貴子儀頭指 為公拜李靈曜據汴州公私財賦一皆遏絕獨子儀封 承嗣方跋扈魏州傲很無禮子儀皆遣使至承嗣西 皆以身許國未管以危亡易慮亦遇天幸竟免患難

老家人三千相出入者不知其居前後賜良田美器名 私利不在馬其宅在親仁里居其里四分之一中通水 園甲館齊色珍玩堆積羨溢不可勝紀代宗不名呼為 雖威略不逮而寬厚得人過之歲入官俸二十四萬費 道之威此無缺馬唯以讒怒誣奏判官户部郎中張譚 臣天下以其身為安危者殆二十年校中書令考二 欲而君子不之罪富貴壽考繁衍安泰良祭終始人 有四權傾天下而朝不思功蓋一代而主不疑侈窮 舊唐書

遺命四朝所賜名馬珍玩悉皆上獻德宗復賜之曜乃 一 能兵柄乃遍加諸子官以曜為太子少保子儀 売曜夢 其車服曜以儉朴自處累遷至太子賓客建中初子儀 於外留曜治家少長千人皆得其所諸弟爭飾池館盛 散諸昆弟子儀夢後楊炎盧相相次乗政姦諂用事尤 杖殺之物議為薄曜子儀長子性孝友廉謹子儀出在 卿王宰皆以家人告計細過相次敗點雕家大恐賴军 **忌熟族子儀之壻太僕卿趙縱少府少監李洞清光祿** 定匹庫全書 1 卷一百二十

授左赞善大夫從廣平王收復兩京聯力戰於香積寺 得為理詔下方已雅居喪得禮若儒家子服未閱寢京 家嘗誓以山河琢之金石十世之有其可忘也其家前 一敢訴德宗微知之詔曰尚父子儀有大勲力保义皇 一張鎰力為庇護姦人幸其危懼多論奪田宅奴婢 傳略子儀第三子少善騎射常從父征伐初以戰功 與人為市以子儀身發或被誣構欲論奪之有司無 勸其如葱遊雕竟不屬口建中四年三月卒贈太子

ו מועם על דישיי

舊唐書

陕西告出奇兵社捷以功加銀青光禄大夫鴻臚卿後 儀至絳誅其元惡其黨頗不自安欲謀翻變晞知其謀 為河東關內副元帥鎮絲州時四方擾叛多逐戎帥子 與馬璘合勢大破蕃軍其年冬懷恩誘虜再冠邠州陣 誘吐蕃迴紀入展加蹄御史中丞領朔方軍以援邠州 日叛将竟不敢發以功拜殿中監廣德二年僕固懷恩 河中軍亂殺節度使李國自務非元禮於絡韶以子儀 親兵四千伏甲以防之常持弓警夜不寐者凡七十

逆遣人就第問訊欲令掌兵晞佯瘖禁口不言此以兵 尚書判秘書省事建中二年丁父喪持服京城朱此構 脅之 聯終不語賊知其不可用乃止 聯潛奔奉天僅而 于涇北子儀令晞率步卒五千騎軍五百出西南播 , 晞以兵寡不敵持而不戰及至埔晚乗其半濟而擊 子儀固讓不受永泰二年檢校左散騎常侍大歷上 加開府儀同三司十二年丁母憂服除加檢校工部 八破德屬斬首五千級是時連戰皆捷詔加御史大 ויפו על קיינים | 舊磨書

善慶垂裕無窮雖嫡長云殂支宗斯盛汾陽舊邑盍有 故尚父太尉中書令汾陽王功格上玄道光下十 弟右金吾將軍祁國公食實封二百五十户昭太子諭 宜聽復暖兄檢校工部尚書守太子賓客趙國公稀并 獲免初烯兄曜襲父代國公實封二千户及曜卒記曰 不承其男前左散騎常侍尉馬都尉食實封五百戶暖 德映等並休有令名保其先業宜允推恩之典以明延 **凤稟義方居忠復孝儷崇銀牓攄美金章繼撫先封允**

户通前三百七十户映可二百三十五户尋又韶尚父 代國公仍通前襲三百户烯可二百五十户喝可五十 弱恐不任邊職自元七年晞上章請罷鋼官德宗遣中 節度使杜希全賓佐希全以鋼攝豊州刺史晞以鋼幼 子儀男晞曖映曙四人所襲實封各減五十户以賜郭 嗣之誠其實封二千户宜準式減半餘可分襲慢可襲 尚書太子詹事從駕還京改太子賓客晞子鋼為朔方 雅男鉾郭晤男鐇各襲一百户晞至行在復檢校工部

灾足日事全書 一

舊唐書

使召之鋼疑以他事見攝乃單騎走入吐蕃蕃將見鋼 京師賜鋼自盡晞亦坐子免官明年復授太子賓客貞 獨叛不納置之筏上流入黄河令歸杜希全得之送赴 以妨民既田昇平有脂粉磑雨輪郭子儀私磑兩輪所 平年亦與殷相類大歷中恩龍冠於戚里歲時錫賣珍 元十年卒贈兵部尚書晞次子釣釣子承報別有傳暖 丁儀第六子年十餘歲尚代宗第四女异平公主時昇 不可勝紀大歷十三年有語毀除白渠水支流碾磑

常侍從駕至山南改太常卿同正員貞元中帝為皇孫 蓋為蒼生爾豈不識我意耶可為衆率先公主即日命 喜並釋前各待之如初復銀青光禄大夫檢校左散騎 喪被疾既而與兄晞弟曙及异平公主皆奔奉天徳宗 侍建中末公主坐事留之禁中暧亦令出入既而未此 毀由是勢門張強八十餘所皆毁之暖檢校左散騎常 司未敢毀徽公主見代宗訴之帝謂公主曰吾行此詔 定四車全書)亂不知車駕幸奉天為賊所逼欲授偽官暖辭以居 酱唐書

於天下式光盛德爰舉徽章尊尊親親於是乎在皇太 益曰懿廣陵王即位為憲宗皇帝如生穆宗皇帝元和 生知英華發於事任實修一德歷仕三朝建中未年屬 王令典沉積仁累義事已顯於身前祥會慶傳福遂流 廣陵郡王納暖女為妃暖貞元十六年七月卒贈尚書 义贈尚書左僕射暖克荷崇構有勞王家孝友本於 僕射昇平公主元和五年十月薨贈號國大長公主 五年穆宗即位尊郭妃為皇太后詔曰追遠飾終先

望治是膺沁水之祥德厚流光乃啓塗山之祚肆子上 用光縟禮可贈太傅懷子到縱鈷賭代宗朝累思司曹 子獲續大業未展定申之命敢緣聚紀之恩俾繼維師 到偉姿儀身長七尺方口豐下沈默寡言母昇平長公 南轉太府鄉隨駕還京拜左金吾衛大將軍貞元末 定四庫全書 居父憂建中三年冬舒王誼為淮西山南諸道大元 以曙檢校左庶子為元帥府都押牙京城亂從幸 大難畢力扈駕忘軀即戎忠貞之節國史明備才高 卷一百二十

主代宗朝到為外孫思寵踰等起家為太常寺奉禮郎 充邪寧節度使數歲檢校户部尚書入為司農卿到大 德宗朝累官至太子右庶子元和初為左金吾衛大將 勲之後姻聯戚里而謙和接物恭慎自持居家臨民無 軍充左街使九年十一月檢校工部尚書兼邠州刺史 寢疾彌旬諸中貴人乗權者欲議廢立紛紛未定穆宗 騎怠之色無奢侈之失士君子重之十五年正月憲宗 在東宮心甚憂之遣人問計於到到曰殿下身為皇太

角材能選用不獨憑椒房之勢所益簡約不撓其俗自 之體穆宗即位冊皇太后南內推崇外氏以到兼司農 子但旦夕視膳謹守以俟又何處乎迄今稱到得元舅 度使文宗即位加司空太和三年冬南蠻陷舊州遂冠 兼檢校尚書左僕射明年出為梓州刺史劒南東川節 理敬宗即位尊郭太后為太皇太后徵到為兵部尚書 河中尹河中晉絳慈隰節度使到悉踐藩鎮以汾陽胄 柳未幾檢校户部尚書充河陽三城懷節度使歲中換

除帥乃以到兼領西川節度蠻軍已冠梓州諸道接軍 檢校司徒十二月在道卒韶贈司徒子仲文仲辭縱母 西川杜元穎失於控禦蠻軍陷成都府外城朝廷未服 與南部立約疆陲不擾以疾求代四年入為太常卿 至川軍寡弱不可令戰到致書於蠻首領差賴責以 也與到修好而退朝廷嘉之授成都尹劍南西川節 冠之意差顏曰杜元類不守疆場屢侵吾圉以是修

定四庫全書 |

卷一百二十

昇平長公主大應貞元之間恩禮冠諸主順宗在東宫

穆宗常遊幸之置酒極歡而能賜縱甚厚俄加檢校 監穆宗即位縱為叔舅改右金吾衛大将軍兼御史上 徳陽為漢陽公主縱累官至衛尉卿尉馬都尉改殿中 徳宗之所鍾愛故鏦之貴寵焜燿 夫充左街使城南有汾陽王别墅林泉之致莫之與比 女德陽郡主尚鏦時鏦與郡主年未及冠郡主尤 尚書兼太子詹事充開廐宫苑使從容貴位三 而椒房之龍國舅之恩近代已來無有其比而鍛 時順宗即位改封

定四車全書

舊唐書

男仲辭已選尚主仲文不合假冒自稱嫡子若仲文承 少監開成初韶仲文襲父太原郡公制下給事中封 奏曰伏準制書贈司徒郭到嫡男仲文襲封太原郡 一度恪不以富貴驕人士無賢不肖接之以禮由是中 鏦為太子詹事充閑底宫苑使仲文太和未為殿中 稱之長慶二年十月卒贈尚書左僕射仍以其弟鈷 臣近訪知郭到妻沈氏公主之女代宗皇帝外孫有 即沈氏須點居別室仲解不合配尚貴主伏以郭

襲封太原郡公尚饒陽公主又仲辭兄詹事府丞仲恭 尋以仲辭為銀青光禄大夫檢校殿中少監駙馬都 萬年縣尉仲辭襲封仲文落下以太皇太后姪不之罪 文尚父子儀之孫太皇太后之姓戚里敷門無與傳 為銀青光禄大夫尚金堂公主幼明尚父子儀之母弟 也性謹愿無過不工武藝喜賓客飲識居家御衆皆得 非同出襲封尚主不可並行伏請付臺勘當詔曰以 姆嫡庶朝野具知奪宗之配實站風教且仲文仲辭 指唐書

其四鎮北庭使額李嗣業務非元禮皆遙領之所阻隔 太傅子昕肅宗未為四鎮留後自關雕陷蕃為虜所隔 共理之所致也伊西北庭節度使李元忠可北庭大都 其歡心以子儀熟業累悉大卿監大悉八年卒贈太子 之徒泣血相守慎固封略奉尊朝法皆侯伯守将交修 部落國朝已來相次率職自關隴失守東西阻絕忠義 朝德宗嘉之詔曰四鎮二庭統任西夏五十七蕃十姓 五年建中二年與伊西北庭節度使李元忠俱遣于 卷一百二十

定四庫全書 |

將吏已下敘官可超七資李元忠本姓曹名令忠以功 護四鎮節度留後郭昕可安西大都護四鎮節度使其 攻之累年兵盡食竭光庭先刃其妻子自焚而死因所 庭者為伊州刺史隴右諸郡皆陷光庭堅守伊州吐蕃 賜姓名時所使自迴紅思諸蕃部方達於朝又有袁光 土德實生汾陽自河朔班師關西於冠身杆豺虎手被 史臣曰天實之李盗起幽陵萬乗播遷兩都覆没天祚 使知之贈工部尚書 The street of 舊唐書

贊曰符飲汾陽功扶具蒼東仁蹈義鐵心石腸四朝靜 判榛七八年間其勤至矣再造王室敷高一代及國威 粗之中放身虎口赴難奉天可謂也孝之門有嗣矣 亂五福其昌為臣之節敢告忠良 不挾憾以報仇警晏然效忠有死無二誠大雅君子社 復振羣小肆讒位重懇解失龍無怨不幸危而邀君父 純臣自秦漢以還敷力之盛無與倫比而晞暖於粮 舊唐書卷一百二十 四月日 1972